

ԱՐՁԱՆԱԳՐՈՒԹՅՈՒՆ N 7

Երևանի պետական համալսարանի գիտական խորհրդի՝ 2023 թ. փետրվարի 9-ին տեղի ունեցած թիվ 7 նիստի

ՀՀ, ք. Երևան

09.02.2023 թ.

«Երևանի պետական համալսարան» հիմնադրամի ղեկավար Հ. Հովհաննիսյանի առաջարկությամբ ներկայացված օրակարգով և ժամանակացույցով 2023 թ. փետրվարի 9-ին տեղի ունեցավ ԵՊՀ գիտական խորհրդի թիվ 7 նիստը: Նիստին մասնակցեցին գիտական խորհրդի 88 անդամներից 76-ը (կից ներկայացվում է ցուցակը):

Նիստը նախագահում էր ղեկավար Հովհաննես Հովհաննիսյանը: Նիստի քարտուղարն էր Մերի Հովհաննիսյանը:

ՆԻՍՏԻ ՕՐԱԿԱՐԳԸ

1. ԵՊՀ գիտական խորհրդի 2022-2023 ուստարվա երկրորդ կիսամյակի նիստերի ժամանակացույցի հաստատում (զեկ.՝ ԵՊՀ գիտական քարտուղար Մ. Հովհաննիսյան):
2. ««Երևանի պետական համալսարան» հիմնադրամի գիտական խորհրդի աշխատակարգը» հաստատելու և 2015 թ. սեպտեմբերի 24-ին հաստատված «Երևանի պետական համալսարանի գիտական խորհրդի կանոնակարգը» ուժը կորցրած ճանաչելու մասին (զեկ.՝ ԵՊՀ ղեկավար Հ. Հովհաննիսյան):
3. «Երևանի պետական համալսարանի պատվավոր կոչումների և պարգևների շնորհման կանոնակարգում» լրացում կատարելու մասին (զեկ.՝ ԵՊՀ ղեկավար Հ. Հովհաննիսյան):
4. ««Երևանի պետական համալսարան» հիմնադրամի ռազմավարական պլանավորման կենտրոնի կանոնակարգի» հաստատում (զեկ.՝ ԵՊՀ զարգացման և նորարարության գծով պրոռեկտոր Մ. Հովհաննիսյան):
5. ««Երևանի պետական համալսարան» հիմնադրամի մարքեթինգի բաժնի կանոնակարգի» հաստատում (զեկ.՝ ԵՊՀ զարգացման և նորարարության գծով պրոռեկտոր Մ. Հովհաննիսյան):
6. ««Երևանի պետական համալսարան» հիմնադրամի շարունակական կրթության կենտրոնի կանոնակարգի» հաստատում (զեկ.՝ ԵՊՀ ղեկավար Հ. Հովհաննիսյան):

7. ««Երևանի պետական համալսարան» հիմնադրամի պրոֆեսորադասախոսական կազմի վերապատրաստման 2023-2026 թվականների ծրագրի իրականացման կարգի» հաստատում (զեկ.՝ ԵՊՀ շարունակական կրթության կենտրոնի տնօրեն Լ. Խառատյան):
8. ««Երևանի պետական համալսարան» հիմնադրամի «ՍԹԵՄ դպրոց» կառուցվածքային ստորաբաժանման կանոնակարգի» հաստատում (զեկ.՝ ԵՊՀ ակադեմիական/ուսումնական գծով պրոռեկտոր Է. Ասրիյան):
9. ««Երևանի պետական համալսարան» հիմնադրամի ՍԹԵՄ դպրոցի ընդունելության, տեղափոխման, ազատման կարգի» հաստատում (զեկ.՝ ԵՊՀ ակադեմիական/ուսումնական գծով պրոռեկտոր Է. Ասրիյան):
10. ««Երևանի պետական համալսարան» հիմնադրամի ՍԹԵՄ դպրոցի փոխադրման, սովորողների կողմից կրթական ծրագրերի յուրացման, քննությունների, ամփոփիչ ատեստավորման անցկացման ու ավարտման կարգի» հաստատում (զեկ.՝ ԵՊՀ ակադեմիական/ուսումնական գծով պրոռեկտոր Է. Ասրիյան):
11. «ԵՊՀ կրթական ծրագրերի մշտադիտարկման (մոնիթորինգի) և վերանայման կարգի» հաստատում (զեկ.՝ ԵՊՀ որակի ապահովման կենտրոնի տնօրեն Ա. Բուդաղյան):
12. 2022-2023 ուստարվա երկրորդ կիսամյակի անվանական կրթաթոշակի հավակնորդների ընտրության վերաբերյալ ֆակուլտետների գիտական խորհուրդների ընդունած որոշումների հաստատում (զեկ.՝ ԵՊՀ ուսումնամեթոդական վարչության պետ Հ. Ժամհարյան):
13. ԵՊՀ հրատարակչության առաջադրած չափորոշիչներին լիովին համապատասխանող «Պատմություն և մշակույթ» (խմբ.՝ Է. Մինասյան), «Բանբեր Երևանի համալսարանի. բանասիրություն» (խմբ.՝ Լ. Ավետիսյան), «Բանբեր Երևանի համալսարանի. փիլիսոփայություն, հոգեբանություն» (խմբ.՝ Է. Հարությունյան), «Գիտական տեղեկագիր. ֆիզիկա և մաթեմատիկա» (խմբ.՝ Վ. Աթաբեկյան) հանդեսները հրատարակության երաշխավորելու հարցը (ԵՊՀ հրատարակչության տնօրեն Կ. Գրիգորյան)
14. Ընթացիկ հարցեր

1. ԵՊՀ գիտական խորհրդի 2022-2023 ուստարվա երկրորդ կիսամյակի նիստերի ժամանակացույցի հաստատում:

ԵՊՀ գիտական խորհուրդը, ընդունելով նիստի օրակարգի վերաբերյալ հնչած առաջարկները, հաստատեց 2022-2023 ուստարվա երկրորդ կիսամյակի նիստերի ժամանակացույցը: Հարցը դրվեց քվեարկության (կողմ՝ 76, դեմ՝ 0, ձեռնպահ՝ 0):

Որոշվեց.

հաստատել 2022-2023 ուստարվա երկրորդ կիսամյակի նիստերի ժամանակացույցը:

2. ««Երևանի պետական համալսարան» հիմնադրամի գիտական խորհրդի աշխատակարգը» հաստատելու և 2015 թ. սեպտեմբերի 24-ին հաստատված «Երևանի պետական համալսարանի գիտական խորհրդի կանոնակարգը» ուժը կորցրած ճանաչելու մասին:

Անցնելով օրակարգային երկրորդ հարցին՝ ԵՊՀ ռեկտոր Հովհաննես Հովհաննիսյանը ԳԽ հաստատմանը ներկայացրեց ԵՊՀ գիտական խորհրդի աշխատակարգը հաստատելու և 2015 թ. սեպտեմբերի 24-ին հաստատված ԵՊՀ գիտական խորհրդի կանոնակարգը ուժը կորցրած ճանաչելու մասին հարցը: ԵՊՀ հոգաբարձուների խորհուրդը հաստատել է ԵՊՀ՝ նոր խմբագրությամբ կանոնադրությունը, որի համաձայն՝ փոփոխություններ են տեղի ունեցել նաև գիտական խորհրդի իրավասությունների ու գործառույթների շրջանակում, և ըստ այդմ՝ նոր աշխատակարգի նախագիծը համապատասխանեցված է նոր խմբագրությամբ հաստատված կանոնադրությանը: Բարձրաձայնված հարցերից ու ծավալված քննարկումից հետո ԳԽ-ն հաստատեց ներկայացված նախագիծը: Հարցը դրվեց քվեարկության (կողմ՝ 61, դեմ՝ 9, ձեռնպահ՝ 6):

Որոշվեց.

հաստատել «Երևանի պետական համալսարան» հիմնադրամի գիտական խորհրդի աշխատակարգը» և ուժը կորցրած ճանաչել 2015 թ. սեպտեմբերի 24-ին հաստատված ԵՊՀ գիտական խորհրդի կանոնակարգը:

3. «Երևանի պետական համալսարանի պատվավոր կոչումների և պարգևների շնորհման կանոնակարգում» լրացում կատարելու մասին:

Օրակարգային հաջորդ հարցով ԵՊՀ գիտական խորհուրդը լսեց ու հաստատեց «Երևանի պետական համալսարանի պատվավոր կոչումների և պարգևների շնորհման կանոնակարգում» լրացում կատարելու մասին հարցը:

ԵՊՀ ռեկտորի խոսքով առաջարկվում է կարգը լրացնել նոր կետով ու ներդնել «ԵՊՀ պրոֆեսոր-էմերիտուս» պատվավոր կոչումը, որը ԵՊՀ կառուցվածքային ստորաբաժանման գիտական խորհրդի առաջարկով ու ԵՊՀ գիտական խորհրդի որոշմամբ շնորհվելու է ԵՊՀ-ում առնվազն 30 տարվա գիտամանկավարժական ստաժ (որից առնվազն 10 տարին՝ ԵՊՀ-ում նաև վարչական պաշտոն զբաղեցրած), գիտական աստիճան ու կոչում ունեցող ԵՊՀ աշխատակցին երկարատև աշխատանքի,

գործունեության և ԵՊՀ զարգացման գործում նշանակալի ներդրման համար: ԳԽ-ն հաստատեց ներկայացված լրացումը:

Հարցը դրվեց քվեարկության (կողմ՝ 75, դեմ՝ 0, ձեռնպահ՝ 1):

Որոշվեց.

հաստատել «Երևանի պետական համալսարանի պատվավոր կոչումների և պարգևների շնորհման կանոնակարգում» լրացում կատարելու առաջարկը:

4.«Երևանի պետական համալսարան» հիմնադրամի ռազմավարական պլանավորման կենտրոնի կանոնակարգի» հաստատում:

Օրակարգային հաջորդ հարցի շրջանակում ԵՊՀ զարգացման և նորարարության գծով պրոռեկտոր Մ. Հովհաննիսյանը ներկայացրեց «ԵՊՀ ռազմավարական պլանավորման կենտրոնի կանոնակարգը»: Հարցը դրվեց քվեարկության (կողմ՝ 76, դեմ՝ 0, ձեռնպահ՝ 0):

Որոշվեց.

հաստատել «Երևանի պետական համալսարանի ռազմավարական և պլանավորման կենտրոնի կանոնակարգը»:

5. ««Երևանի պետական համալսարան» հիմնադրամի մարքեթինգի բաժնի կանոնակարգի» հաստատում:

ԵՊՀ զարգացման և նորարարության գծով պրոռեկտոր Մ. Հովհաննիսյանը ներկայացրեց նաև ԵՊՀ մարքեթինգի բաժնի կանոնակարգը: Հարցը դրվեց քվեարկության (կողմ՝ 75, դեմ՝ 0, ձեռնպահ՝ 0):

Որոշվեց.

հաստատել «Երևանի պետական համալսարանի մարքեթինգի բաժնի կանոնակարգը»:

6. ««Երևանի պետական համալսարան» հիմնադրամի շարունակական կրթության կենտրոնի կանոնակարգի» հաստատում:

Հաջորդիվ ԵՊՀ ռեկտորը ներկայացրեց ԵՊՀ շարունակական կրթության կենտրոնի կանոնակարգը: ԳԽ-ն հաստատեց ներկայացված առաջարկը: Հարցը դրվեց քվեարկության (կողմ՝ 76, դեմ՝ 0, ձեռնպահ՝ 0):

Որոշվեց.

հաստատել «ԵՊՀ շարունակական կրթության կենտրոնի կանոնակարգը»:

7. ««Երևանի պետական համալսարան» հիմնադրամի պրոֆեսորադասախոսական կազմի վերապատրաստման 2023-2026 թվականների ծրագրի իրականացման կարգի» հաստատում:

Անցնելով օրակարգային հաջորդ հարցին՝ ԵՊՀ շարունակական կրթության կենտրոնի տնօրեն Լ. Խառատյանը ներկայացրեց «ԵՊՀ պրոֆեսորադասախոսական կազմի վերապատրաստման 2023-2026 թվականների ծրագրի իրականացման կարգը», որի վերաբերյալ պարզաբանումներից հետո այն հաստատվեց: Հարցը դրվեց քվեարկության (կողմ՝ 75, դեմ՝ 1, ձեռնպահ՝ 0):

Որոշվեց.

հաստատել «ԵՊՀ պրոֆեսորադասախոսական կազմի վերապատրաստման 2023-2026 թվականների ծրագրի իրականացման կարգը»:

8. ««Երևանի պետական համալսարան» հիմնադրամի «ՍԹԵՄ դպրոց» կառուցվածքային ստորաբաժանման կանոնակարգի» հաստատում:

Անցնելով օրակարգային հաջորդ հարցերին՝ ԵՊՀ ուսումնական գծով պրոռեկտոր Էլինա Ասրիյանը ներկայացրեց ԵՊՀ «ՍԹԵՄ դպրոցի» կանոնակարգը: Հարցը դրվեց քվեարկության (կողմ՝ 76, դեմ՝ 0, ձեռնպահ՝ 0):

Որոշվեց.

հաստատել «ԵՊՀ ՍԹԵՄ դպրոցի կանոնակարգը»:

9. ««Երևանի պետական համալսարան» հիմնադրամի ՍԹԵՄ դպրոցի ընդունելության, տեղափոխման, ազատման կարգի» հաստատում:

Հաջորդիվ Է. Ասրիյանը ներկայացրեց նաև ««Երևանի պետական համալսարան» հիմնադրամի ՍԹԵՄ դպրոցի ընդունելության, տեղափոխման, ազատման կարգը»: Հարցը դրվեց քվեարկության (կողմ՝ 76, դեմ՝ 0, ձեռնպահ՝ 0):

Որոշվեց.

հաստատել «ԵՊՀ ՍԹԵՄ դպրոցի ընդունելության, տեղափոխման, ազատման կարգը»:

10.««Երևանի պետական համալսարան» հիմնադրամի ՍԹԵՄ դպրոցի ընդունելության, փոխադրման, սովորողների կողմից կրթական ծրագրերի յուրացման, քննությունների, ամփոփիչ ատեստավորման անցկացման ու ավարտման կարգի» հաստատում:

ԳԽ-ին ներկայացվեց նաև «ԵՊՀ ՍԹԵՄ դպրոցի ընդունելության, փոխադրման, սովորողների կողմից կրթական ծրագրերի յուրացման, քննությունների, ամփոփիչ ատեստավորման անցկացման ու ավարտման կարգը»: Հարցը դրվեց քվեարկության (կողմ՝ 78, դեմ՝ 0, ձեռնպահ՝ 0):

Որոշվեց.

հաստատել «ԵՊՀ ՍԹԵՄ դպրոցի փոխադրման, սովորողների կողմից կրթական ծրագրերի յուրացման, քննությունների, ամփոփիչ ատեստավորման անցկացման ու ավարտման կարգը»:

11.«ԵՊՀ կրթական ծրագրերի մշտադիտարկման (մոնիթորինգի) և վերանայման կարգի» հաստատում:

ԵՊՀ որակի ապահովման կենտրոնի տնօրեն Արմեն Բուդաղյանը ԳԽ հաստատմանը ներկայացրեց ԵՊՀ կրթական ծրագրերի մշտադիտարկման (մոնիթորինգի) և վերանայման կարգը, որի վերաբերյալ հատուկ կարծիք հնչեցրեց ԵՊՀ սոցիոլոգիայի ֆակուլտետի դեկան Արթուր Մկրտիչյանը՝ կապված դրանով սահմանվող գործընթացների իրականացման հետ:

Որոշվեց.

ծավալված քննարկումներից հետո ԵՊՀ գիտական խորհուրդը որոշեց հարցի վերաբերյալ որոշումը կայացնել հաջորդ նիստի ժամանակ:

12.2022-2023 ուստարվա երկրորդ կիսամյակի անվանական կրթաթոշակի հավակնորդների ընտրության վերաբերյալ ֆակուլտետների գիտական խորհուրդների ընդունած որոշումների հաստատում:

Անդրադառնալով օրակարգի հաջորդ հարցին՝ ԵՊՀ ուսումնամեթոդական վարչության պետ Հրանտ Ժամհարյանը ներկայացրեց 2022-2023 ուստարվա երկրորդ կիսամյակի անվանական կրթաթոշակի հավակնորդների ընտրության վերաբերյալ ֆակուլտետների գիտական խորհուրդների ընդունած որոշումները՝ նշելով, որ դրանցից մի քանիսը չեն բավարարում ներկայացված պահանջներին: Քննարկումից հետո ԳԽ-ն հաստատեց այն թեկնածուների վերաբերյալ որոշումները, որոնք համապատասխանում են կարգով սահմանված չափորոշիչներին, իսկ մյուսների դեպքում՝ դիտարկել խնդիրները, ապա նոր որոշում կայացնել:

Հարցը դրվեց քվեարկության (կողմ՝ 78, դեմ՝ 0, ձեռնպահ՝ 0):

Որոշվեց.

հաստատել այն թեկնածուների վերաբերյալ որոշումները, որոնք համապատասխանում են կարգով սահմանված չափորոշիչներին, իսկ մյուսների դեպքում՝ դիտարկել խնդիրները, ապա նոր որոշում կայացնել:

13. ԵՊՀ հրատարակչության առաջադրած չափորոշիչներին լիովին համապատասխանող «Պատմություն և մշակույթ» (խմբ.՝ Է. Մինասյան), «Բանբեր Երևանի համալսարանի. բանասիրություն» (խմբ.՝ Լ. Ավետիսյան), «Բանբեր Երևանի

համալսարանի. փիլիսոփայություն, հոգեբանություն» (խմբ.՝ Է. Հարությունյան), «Գիտական տեղեկագիր. ֆիզիկա և մաթեմատիկա» (խմբ.՝ Վ. Աթաբեկյան) հանդեսները հրատարակության երաշխավորելու հարցը:

Հաջորդիվ ԵՊՀ հրատարակչության տնօրեն Կարեն Գրիգորյանը ԳԽ հաստատմանը ներկայացրեց ԵՊՀ հրատարակչության առաջադրած չափորոշիչներին լիովին համապատասխանող «Պատմություն և մշակույթ», «Բանբեր Երևանի համալսարանի. բանասիրություն», «Բանբեր Երևանի համալսարանի. փիլիսոփայություն, հոգեբանություն» և «ԵՊՀ գիտական տեղեկագիր. ֆիզիկա և մաթեմատիկա» հանդեսները հրատարակության երաշխավորելու հարցը, որը ԵՊՀ գիտական խորհուրդը հավանության արժանացրեց: Հարցը դրվեց քվեարկության (կողմ՝ 76, դեմ՝ 0, ձեռնպահ՝ 0):

Որոշվեց.

հրատարակության երաշխավորել ԵՊՀ հրատարակչության առաջադրած չափորոշիչներին լիովին համապատասխանող վերոնշյալ հանդեսները:

Օրակարգային հարցերի ավարտին ԵՊՀ ռեկտորը ներկայացրեց Գիտական խորհրդի ձևավորման համամասնությունը՝ ըստ ստորաբաժանումների, որը հավանության արժանացավ:

Գիտական խորհրդի նախագահ

Հ. Վ. Հովհաննիսյան

Գիտական խորհրդի քարտուղար

Մ. Վ. Հովհաննիսյան